




西征集序

西征集者馮先生元敏督學黔中作
也黔故西南夷徼外地號為鬼方巖
嶂錯互林箐杳冥上者際天而下者
若墮井忽而憑高星辰在手忽而涉
幽黃墟在肘日之日一而霾霧之日
九人之徑一而鳥蛇之徑九士之風
一而卉服文身之風九蓋曾不得當



中土什一也馮先生奉簡書督學
於此不公麼其人為之陳說典墳稱
述風雅擇其秀彥開以雕龍之業群
聚而提撕之於是羅施疲郎泮河之
域輶車所歷其豪傑子弟莫不靡然
向化思以經術自表見彬彬乎畿與
內地埒矣先生不勝陟屺之悲投劾
請休疏拒幕府則晝夜馳出疆幕府

遣騎追而及諸甌脫不反以其疏上
政府政府嘆喏曰夫夫也偉儒假以
草西人待黔士風而召還且大用矣
柰何舍旃幕府更遣騎追而及之沅
陵先生愈不反乃手疏上其事政府
曰是其遄歸以將毋之不遑胡寧深
罪有詔許致仕政府重惜其材云
夫惜之曷不令高議雲臺雍容白虎

出入承明之廬俾其經緯人代斧藻
皇略裨贊休明之治而願投之荒裔
耶先生於此無幾微怨望意曰我法
吏也縣官以我有轍線用而舉為諸
生督青衿之與赭衣猶清塵濁水之
相隔然故不為逢掖也者師則為衲
襜也者率不為鈇槩也者屬則必為
鈞鐔也者長以此視彼安得弁髦黔

人乎愈益沉精篇籍高視遠觀既吐
言天扶杼思神授而又肆以綜覈之
力殫以研摩之智務求字字明月而
語語丹霞以為不橫軼者不絕世不
玄覽者不諧道故橫軼而無所不諧
玄覽而無所不窺無不諧無不窺則
其中無際中無際而後不可以語擊
悅之士夫擊悅之士非不歲黜悅目

西行集序
三
乎而皆往往睢盱猖狂矜誇孀美惟
恐不得見所長此誠淺之乎謂秦無
人而漢孰與我大哉蓋錦則白地明
光而袴之者負版耳曾若先生混混
穆穆泊如淡如卒遇之疇覺其深以
探之詎識其淺猶之龍鸞騰飛矢矯
不測恢恢乎與道幾矣馮氏自廷尉
京兆父子以忠孝起家門風如萬石

君比於石氏京兆則郎中令督學蓋
內史也內史雖稍張弛然猶持策數
馬六耳集凡若干卷詩賦若干首雜
文若干首案牘語錄公車文在後夫
案牘語錄與公車之文樸樸而不可
以為訓論者比之勞薪然此何莫非
王事乎且也公車者士之程而射覆
之的也金口木舌非是曷以哉非是

曷以哉太原王穉登序

王穉登曰也公序其書其書之序

心然為論其出入於筆端其不可

棄難言其與公序之文其不可

及於千首其難言其與公序之

西征記序

西征記者黔學使馮公所

撰公初下車直江陵當

國悔言學公侃上持論無少

忌省舊有書院聚生徒亦

格于江陵時公移檄海之僚

西行詩序
曰不畏禁與公曰吾行吾志
耳時訪詠親為講說點士
蒸々丕變矣公性敏每試士
即于是日行彙目閱二百餘
卷諸生得卷令置諸家余取
閱之字較而句評人々若得嚴

師也是年解額士三十人公
所取批首居十七人神馬所
立試法革弊殆盡會黔藩
臬之人督撫檄公署公治事
無雜色治諸囚出當死者數
十人洞仁通苗甲士少公增募

西征記
實甲千人巴鄉賊據險為巢
每出掠地方患苦之當事者
以終不可治適惡數十年公
督安南兵親入巢縛渠魁
二百餘人置諸法解散者幾
萬一方安堵四衛道嶮峻公以

贖賤之美治道幾千里黔故
罕書藉公指其刻史漢國
策諸書迨偏他異政不可盡
述黔士與民尸而祝之以為公
真文武異才百年来目中未
覩也記中所叙山川紆曲宛

如圖畫不以遐方為戚所謂
仁義之人其言藹如者非與
此固威鳳一羽亦足見其五
德因為序之余髦矣言之無
文第以志仰爾

賜進士第中順大夫奉

勅撫治鄖陽都察院右僉都
御史前太僕光祿卿治生劉
秉仁頓首拜書

西征集自序

馮子曰文章者神明所寄也聖
知之官而人代之宰也立之為
次而託之鼠遐是故達者尚焉
嗟乎天不秘精聖不秘法萬象
日呈吾以性機羣動日供吾以
天籟也而搽染雲興詣者寥寥

西征集自序
則豈惟世下益濫于離道而波
于徇俗也古之學者執符于六
經伏軌于四教祓除靈樞翦評
物變精葆氣溢而後操縱離合
逍遙自詣世之學者不沉畜于
理窟浸液于學海而區區掇菁
為課丐馥為程以自潤賁則局

志于物之內而不能妙解于技
之外其岨嶸于曾而躑躅于吻
勢固然也若夫觸事敷衽緣物
奏響神工意匠執矩司契雕剝
自如短長惟擬而後究態遯形
可以有方可以無方苟中無植
幹與世順以誇嚴于先啜訾于

西征集自序
後風神失顏月旦違心嘯非發
于畜憤歌不出于鬱陶縱竭能
抒抽非質矣斯二者不善所以
為詣而何以詣哉明興以來幾
祀矣習者以易獵易無當于古
北地執芟以導作者其後歷下
諸公代相雄長非古不述然不

能冥迹于循而超武于覲籥弦
高張下管偏疾遂令後進希光
附景互相睥睨餽飭殘津齷齪
異調以放形標致以樂聖諦盟
雖玄黃燦然而典謨風雅委地
矣蓋不以神明為文而以文為
神明則是以聖知之官為壯夫

之隸也是以人代之宰為俳優
之業也文盛於茲而弊於茲千
百年精氣不可旋復抑豈惟世
下由夫離道徇俗之徒執耳壇
坵乎哉則澤仁義而藹如者左
矣余小子固喁喁者也始困佔
俾中道毛束吏事于道微矣及

其搆撰又不能信腕自致而每
睨人眉睫為步驟其何以善所
詣獨幸余之所循者人而所偶
者天也故機或時塞而或時啟
琅琅絕致什獲一焉其不以之
覆瓿而施之梯恥甚矣二王先
生乃以締致苦心寵靈之嗟乎

西征集目錄
士于斯業不足紹聖真經人代
直技耳何以遙思而斲吃為自
今以往獨契神明土苴之矣
萬曆十二年十一月望日天池
山人馮時可書于羽玄閣

西征集目錄

金集

卷之一

紀行一首

黔西于役紀一首

石集

卷之二

書

與管悅齋

與胡僉憲

上申閣下二

與鄭方伯

與商大理

與孫文選

上王座主

與陳憲副

與諸門生

與鄒給諫

上余閣下

與趙大史

與周都諫

與劉中丞

與管兵憲

與二司二

上劉軍門

與夏僉憲

與李兵憲

與秦長沙

與葛素州

與戴大叅

與孫太守二

與蘇方伯

與俞建德

與喻二守

與沈吏部

與沈工部

與殷海岱

與李帥

與莫秋水

與陳兵憲

與孫吏部二

與陳兵使

與王中丞

與戴剡溪

與歸龍橋

與陳兵使

與殷海岱

與方生

上陳院長

與屠儀曹

與莫秋水

與張兩懷

與馮生

與璩生

與徐文卿

與盛宴如

與莫秋水

與尤鄧林

上申相公

與彭憲長

與金憲副

寄孫吏部

上劉軍門三

與殷進士

與陳職方

與徐國學

與吏部同年

與鍾給練

寄張給練

與王和石

上王宗伯

與趙太史二

上林太僕

上譚尚書四

上兩閣下

上方尚書二

與王武選二

與張北部

賀余同老二

與胡希軒

謝閣下

賀張閣師

賀申閣下三

賀張閣下二

問安閣下二

賀嚴太宰

賀梁太宰二

代請張殿元

絲集

卷之三

送宋道甫序

贈楊淡齋序

贈朱駕部序

送俞山人序

侯宜人祭文序

送許建昌序

送劉布政序

馮子潛詩集序

送聶僉憲序

帥思南詩集序

贈王兩湖序

送朱駕部序

荀子序

送曹漳州序

淮南序

厚生訓纂序

送宋淮安序

送毛鎮遠序

楊子序

批點史漢序

絲集

卷之四

呂氏咀華序

管子咀華序

張公撫遼奏議序 代作

壽陳相公序 代作

送鄭武選出守邵武序

送耿駕部出守天台序

送張年丈出守成都序

送王年丈擢四川僉憲序二首

贈王老先生考績序

送鄭老先生總督宣大序

送王使君遷上谷兵憲序

執說贈傅駕部守紹興序

壽戚帥序

送裴職方擢井陘兵備序

送駕部張君出守青州序

送武選郎中李君出守彰德序

送右都御史吳公填薊遼保定序

贈蘇大叅擢閩總憲序

貴州鄉試錄後序

少保方公奏議後序

南史伐山序

戴剡溪號序

竹集

卷之五

覆江濟二衛轄屬疏

變賣種馬疏

請蠲淮陽馬價疏

覆湖廣蠲逋疏

覆減傳疏三

稽查馬政疏

覆免安東馬價疏

遼東戰馬疏

查覆南京工科疏

薊鎮撫賞疏

防秋疏

卷之六

銅仁兵餉議

巴鄉事宜議二

撥更議

土官赦宥議

清平驛議

永寧州事宜議

都勻事宜議

招納土司疏

設卧這守備疏

修路議

復書院議

附錄三

匏集

卷之七

祭宋貢士文

祭陳山人文

祭司處士文

祭許封君文

祭徐司空文

祭許處士文

陳宮諭乃翁祭文

祭霍公文

祭董幼海宗伯文

祭林雲山文

祭王愛荆封公文

祭二母賀孺人文

祭庶母林孺人文

祭馬文莊公文

祭馬閣下文

吳老先生祭言

祭呂少宗伯文

祭王司馬文

祭馬先生文

祭吳司馬文

祭譚司馬文

祭李太孺人文

祭林母文四

祭婦曹氏文

祭耿太恭人文

祭劉大理文

祭董封君文

祭沈封君文

祭王太淑人文

祭余先生文

祭定國夫人文

祭胡封君文

卷之八

知府傅公神道碑

陽城王公生祠碑

跋見聞紀訓後

李參軍像贊

新築嘉魚城記

劉端簡公傳

曹氏小述

歸山人傳

石湖夜語記

土集

卷之九

俺答前志

俺答後志

卷之十

兩航記十六條

黔中答客說

東歸記

諭諸生文

馮山人傳

楊生答客說

夢記

革集

卷之一

善哉行

短歌行

董桃行歷九秋篇五首

贈裴職方

送沈寧菴之邊五首

山路吟

思歸歎

孫高士

贈洪山人

馮山人二首

軍中短歌四首

送鄭滄濂憲使三言

甫田章

帝命

論才

穀生

秋胡行四首

短歌行

感時十首

采薇篇五首

塞下曲

送友二首

河廣篇

平巴鄉諸酋受上賞賦此志感

過東郡

思親

矯志詩

我行五首

南陔三首

白華篇三首

招隱歌

怨詩

羅甸曲四首

黔山歌

結客少年場行

發貴陽

赴黔道中作

普定署中對石山

古意二首

錄別三首

夜遊紅崖

送陸敬齋待御按廣西

謁陵有述

月下吟

夜坐吟

署中聞虜報述懷

有感

游吳山作

述夢篇

瑞麈篇

和楊龜山此日不再得

七言古

胡茂成贈武昌吳生鐵如意歌

送人歸吳

贈王弇洲大理

贈戚帥

送李參軍往遼東

送孟職方秋之塞上

黔中廳事漫題

華陽歌送曹近暘學使入蜀

送馮子潛遊廬山

送李太守往彰德

贈胡金峰僉憲

沈太素夜過

長安馬上偶詠

秋夜過許敬菴駕部

送馮子潛遊武夷 送石別駕

秋日同殷無美集漫賦

月下同宋道甫露坐達曉

戲題春盡 燕歌行

賦

登城賦 秋興賦

卷之二

五言律

朱駕部過話 劉子元中丞留飲

長安 答朱兵部

送張武庫之陝西諸邊

送汪山人歸江南 龍山宮眺望

和州道中 含山道中

送駱生之虜中 西巡

閣鴉道中 夜抵普定

捫天臺 永洪寺

黔中秋夜

西溪

贈張子紳山人

金雞驛

贈耿生

宿貴州驛

畢節道中

赤虺河

奢香道中

入永寧

赤水公署

蘭州署夜

普安署中有懷

答孫月峰吏部

秋夜

署齋有感

齋居

永寧上下橋

送王憲副之滇

紅崖閣

南浦

入赤水署適鄭僉憲過訪談白下勝蹟有作

摩尼道中

秋夜月思

普定署中同王司理夜坐

普市道中

辰沅道中

署齋憶沈虞部少卿

普市夜宿

次烏撒

次龍場

安南道中

西征集卷目錄
寄趙太史

過炎方驛時有傳予擢河南既而未果

懷陳職方諸丈 永寧登閣

黔西秋懷 摩尼公署

聞鴈齋 公署漫賦

答殷無美

喜胡兵憲至時有滇警

得大老密示志感 秋懷

秋晚 新橋館

碧雲洞 倘塘道中

八月十三宿層臺夢遊作

答金毅所少叅 塞上二首

同黎天部集盛山人寓賞菊得多字

次停前驛 蘄水道中夜行

入楚苦雨 出京

過萬家嶺 京師秋日

省中月夜 郊外即事

喜莫丈過齊中 贈子潛山人

悼亡妾曹氏四首 出塞

閨情二首 除夕思歸

懷月泉萬子

署中雜感示同舍二首

除夕 詠雪

涇口大風 秋夜宿江邊寺

長干

徐光祿蓮塘別隱二首

孤鴈 贈管山人

長安曉望 旅次書懷

同歸龍橋郊遊 友人自春初遲登山

迨首夏弗克往賦此

送徐裕河之金陵一首

渡江望南岸 道中即事

遊摩訶庵 賦得殘月如新月

贈歸龍橋山人 送吳縣丞之蘭谿

青青河畔柳 青青河畔草

春日集郊外同沈吏部

碧雲寺

燕臺志感

西塞紀事

送少司馬鄭公之鎮

送鄭總督之鎮

王少宰考績瑞麇適產

壽陳閣老

贈瓊玄宇讀書干將山

謝安讀書圍碁圖 出山

送沈司務歸貴州二首

舟中即景 自君之出矣

姑蘇即事 黃梅道中

潛山道中遇雨二首

卷之三

七言律

自駕部出官貴陽漫賦

送高師華南司鐸荊州

寄許敬菴 陸生至自粵

金山寺 送殷無美守峽州

與周元茂遊虎丘 香山偶題

東山閣眺望
吳門秋夜懷宋道甫

秋日同胡僉憲登黔陽城

答寄天津王使君
馬底驛漫題

送傅兵使之滇南
贈蔡子白

俞壽昌入都將別出訪漫賦

寄贈張觀察楚中
過嚴州

顧光祿使遼陽

雨中同龔侍御集柴內侍宅

壽許黃門

送周元孚戶部使薊二首

長安有感
邊事四首

送朱職方之塞上
戍士

秋閨
贈喬舍人

送張夏部年兄歸閩

雪後見西山
贈莫中江

贈喬水心
省中有感

寄贈山海關裴職方兼壽太夫人

望西山

送劉太史使大梁周府

送朱虛谷歸江陰

夷陵劉隱士入鄉賢祠

贈沈職方乃祖上林丞壽詩

送徐都事之金陵 舒城道中

赤壁東坡樓 登黃鶴樓

登岳陽樓 雪山關

送宋太學之塞上 次白崖

七言絕句

長安秋夜 京中送郭子之塞上

贈陳練師二首

送喻楓谷謫楚中六首

輓曹姬

過曹姬舊舍漫題三首

馮術士出芳書塞上獲精漫賦

沙河道中寄張子 七月初六夜

七夕二首 七夕風雨

七月初八夜 過邯鄲

別龔德卿

旅中懷友

別戴文西字謙甫

入京遇莫丈二首

讀佛經二首

送沈職方使太原二首

文皇帝四馬圖四首

過趙州

春日署中

秋日有感

秋夜有懷

武昌道中

蒲圻即事

遊馮茂山遇雨

江浦道中有感

普安道中偶成

永寧夜汎

題紅崖

武林即事

木集

語錄

深語

敬語

實語

量語

度語

思語

詩語

心語

學語

命語

西征集卷目錄
神語

靜語

氣節

詩史

剛語

應世

簡語

戒殺

續語錄十五條

程式

時義二首

論一首

表一首

策三首

西征集卷目錄

西征集卷一

天池山人馮時可元敏著

弟曾可梓

姪大受

男大章同校

西征紀

萬曆辛巳余淹郎署七年餘矣以陽月十二始
被命督學黔中時宦久橐裝盡不能治行至次
月十三日始成行新豐帝里客習如家卷是日

出門不勝并州故鄉思三署少年送者接迹午
後始登車層水峨峨飛雪晶晶意態慘澹抵蘆
溝橋四望無際眇如銀海時復快人晚宿良鄉
十四日天霽騎行過琉璃橋蒹葭遠水宛似故
鄉風物至涿日光西沉霞色滿檐帷矣州守苗
柎等郊迎抵公館問卿蕭崇業民部郎田蕙踵
至蕭復招予飲圍爐相聚其人爽朗胃臆淨然
談使琉球時海若天吳相凌身如浮漚上下且
理詠不徹予因言宦路亦有風波吾不與之爭

而聽其爲則處處坦途也夜深別十五日宿新
城十六日天陰至白溝河越雄縣宿莫州晚煙
嶒嶒風吹單紱如裂石其景淒清十七日辰過
任丘會同年孫惟誠晚次河間郡守燕好爵邀
飲加籩焉理項復弘令徐待以次謁十八日午
前從商家林會故人夏文徵立談良久抵獻縣
夕雲莽莽矣兵憲賴廷檜移席過話十九日過
富莊驛晚寓阜城驚飈蕩樹四顧慘烈令郭濂
接于郊祁大理鯨觴予焉二十日辰炊景州夜

西征集卷一
停驂德州霜雁南飛風聲騷屑旅致依然令戶部一槐耿守思愛來顧廿一日陰曠午飯苦水舖其地一望黃沙類塞外賈行者必戒憶往年以兩夜宿此屈指十禩矣廿二日四鼓起行三十里天未曙家僮詞臣等自南來聞鼓吹問前導者曰是何官人從者識其聲下騎得家書甚驩午前過高唐晚宿在平窮陰四野黯無晶光廿三日午抵銅城驛暮次東阿清夜起坐思泰岱為五嶽宗生平屐齒未及令青帝咲人乃決

策往質明問于令朱應徵令曰此去可三百里由大道迂盍從間路第恐供張不備予曰無虞令乃命吏具糗餼而掄徒御壯有力者數十人從予予遂使行李南往而私羸服東趨午度隔馬嶺道甚險巖行百餘里沈寥空濶靡有人煙竟日不飯晚至屯頭店宿農家室如斗大積薪為牀置爐其中溫甚北風吹霰山鬼夜嘯擁被獨坐寒燈靜影孤寂之悰亦自有趣廿五日午至魚池日暘抵太安守任潢謁廿六日黎明出

西征集卷一
城可三里即入山初張太史以秋登御兩狐衣
膚猶栗余襲重裘則天燠盡解矣至更衣亭易
藍輿見兩山腋抱相雄雌相噬詫以爲奇過高老
橋左一石墳起泉流如點珠所謂水簾洞也又
折而前則馬棚嶺石屏立歷磴久之地忽坦平
土人目曰快活三盖可三里許也又前爲迴馬
嶺又四里抵御障巖古具宗東封駐蹕處前有巨
澗底石如玉而巖陡水如建瓴下又前抵黃現
有松二人所目秦大夫也皆作老龍鱗以阨于

石不甚茂輿人云舊時五松以龍起去其三不
知五大夫者秦爵級非以數過此爲百丈崖凹
深如屋傍有石洞名朝陽更上望雙闕直入霞
際已度石壁峪爲十八盤丹梯萬丈至天門下
視風蓬蓬然翼予此身如在淨居羽客吹而迎
抵公館暫憇謁元君祠同年姜州倅奇方飯予
姜遷客有積薪感戲曰某不禮佛墮惡趣耳予
咲曰子不見蓮色尼現輪王欲越大僧禮佛僅
見色身湏菩提宴坐巖中顧見法身子伏于茲

馬知不先參耆闍母慕蓮色尼為也飯畢引予
觀玉女洗頭池左折而上曰嶽帝祠峭壁倚天
左為唐宗紀銘隸徑可二寸勢欲飛動右為蘇
題東封頌字秀媚上數百武為絕頂曰玉皇祠
前有石柱所謂秦皇無字碑復折而東為石室
漢武所藏金泥玉檢白雲曠暝處其前即所稱
日觀是日天霽霧盡釋羣峯蹲伏如兒孫羅
列初上時見徂徠有相賓意至此亦臣妾矣東
瞻滄海如一盃頓令人有邀飛仙挾宇宙意日

脯下山土人竇尚具酒石徑峪邀予峪去道傍
里許可坐數千人上勒書大字四崖高數丈泉
奔瀉直下石亭臨之水若奉盤匱下山謁東嶽
廟制訪帝居抵舍日崦嵫矣廿七亭午至東卷
疾風掃樹寒雲莽蒼一鼓盡抵寧陽成少參遜
訪成有風骨語多感慨廿八日少參招飲別館
午後至兗州守楊材持酒勞予廿九日上午經
鄒縣夜宿滕縣晦日晚次臨城驛落日荒陂歸
雲相逐益人旅思十二月朔晚次利國驛白日

西行集卷一
冥冥馬蹄相亂輿中誦四牡詩固自快初二早
飯柳泉時日暖風恬天無片雲遂騎行數十里
覽彭城故都思項王嘯咤雖不成勳雄氣勃勃
亦一男子牛抵州廉訪使張純工部楊佩訓招
予漏下始歸夜夢同孫月峯沈寧庵二吏部謁
異僧于樓曰子骨紫異凡可語初三日二鼓至
雙溝思往年同王太史月黑過此見窘崔苻爲
色動初四日午至邳守宋儒來迎夜半過宿遷
初五午前至桃源午後至清河縣晚過清江浦

楓葉蕭蕭砧聲相和旅愴益切許工部應達顧
夜半抵淮初六日凌尚書雲翼蕭叅知遍訪初
七日尚書招飲談滄洲白雲便欲解組初八日
抵寶應令韓介迎夜過界首驛初九日抵高郵
守邵夢弼迎夜過邵伯驛初十至維陽繁霜初
月掩映煙火大叅舒大猷令陳邦科訪夜虞太
守德燁招飲更餘始赴李戶部之招侯帥設席
舟中至則四鼓矣十一日夜次瓜州十二日微
雨度江陽侯不驚輕颺翼舫殊適人意抵鎮江

西行集卷一
守王事聖謁兒大章迎云艤舟旬日矣十三日
遊北固山登摩雲亭倚檻望長江延睇金焦喟
然曰夫非萬里流耶何不濯足而擊楫爲亭午
解維夜深至丹陽十四日至毘陵守穆煒令孫
一俊訪友人戴大豫相迎話舊論心且悲且喜
十六日沮運艦十七夜次新亭十八日次姑蘇
與郡城諸公周旋數日廿四日六兄至是松夜
登虎丘大雨昏黑但與諸友啜茗宴咲慰山靈
別怨廿五日泊平望廿六日至攜李守龔勉倅

方揚令朱來遠張問達過朱文矯矯瑋識人稱
神君云廿七日次嘉善廿八日宿白龍潭廿九
日至東園別幾八稔主人遠歸松蘿生色壬午
正月五日集莫雲卿南園竹翠如滴宛在瀟湘
心神欲寒夜與諸友聯榻清言申旦初六日徐
文卿邀遊天馬鳥聲奏籟冷風相和仰天嘯歌
慷慨悲喜初七日登天馬山尋徑往嘉樹林梅
花大放風香月魄依然媚人持杯相顧夫非羅
浮夢耶十七日掃墓許侍御惺所餞予西庄十

西行集卷一
九日徐相國訪予舟次廿日移泊洙涇同姪輩
小集落景寒杵殊是蕭瑟廿二日莫秋水至揮
麈雄談幾欲芻狗世事廿三日午後莫秋水言
別夜至楓涇宴李氏宅風雨如晦徒旅慘然廿
五日過嘉善尹王三暘訪夜至嘉興廿六兵憲
許一德邀飲不赴廿七日飄風大發夜至吳江
尹徐元謁廿八日午回姑蘇汎小舟詣虎丘因
遂留宿清暉暝色差足自娛廿九日憇神秀齋
院宇幽潔閒雲去留相對軟語謹甚會六兄來

命吳兒歌白苧不覺遥夜已半晦日偏遊諸僧
舍二月朔日飲一丘舍春光噴薄欲雨不雨遠
山流姿大有情思夜還閨門初三日夜泊楓橋
霜鐘出寺依然張繼詩中景初四日午前至許
墅沈生寅邀遊玄墓午後過虎山橋橋會諸谿
四面礮磳吳中諸名勝賞月地行數武登光福
寺塔延眺久之閱司徒廟大栢二三章疑唐宋
時物出花叢觀青芝山房門闥靚深外引泉爲
沼駕以飛梁流蕤颺清蒼翠叢列穿小徑入奉

西行集卷一
字菴觀恠栢夜宿玄墓山徐氏書院院據山臨
流時新月在樹湖光晻映樵響乍收魚鳥相參
塵想自絕初五日晨炊後取途潭東夾道桃梅
纂纂爭媚華旭登顧文康閣蒼松翠崖晻映煙
水西登盤螭山三面臨湖上多異卉丹碧輪流
行數里過市區柔荑滿野和煙蕩拂又三四里
至光福十五里至陽山大石嶺石竒峭橫出者
如樹枝絕頂可瞭太湖薄暮下舟初六日午至
錫山沮風初七日夜過常州駐奔牛鎮初八日

午後抵雲陽兵憲李願過話肝膽熒熒故是奇
士初九日午前至潤州夜新月映江清澄空色
惜無袁卽詠五章耳初十日次真州令侯應徵
見十一日狂風橫雨丘阜崎嶇流潦縱橫滿目
荒原陰霧四塞行人咨嗟與昨所行夾谿修竹
花陰晻霏和風襲人光景頓異暮至六合令陳
戴春郊迎十二日聞長兄自金陵來候于公館
十三日聞家兄尚未至亭午始發行四十里到
梁塘舖一路山如埤睨三十里至浦口城隔江

望金陵盈盈一水無任淒其又二十里至江浦
縣署邑何世廉郊迎登文明樓諸山四拱東南
隱隱金陵現焉十四日早欲待家兄而候者云
已從龍潭北渡遂兩泣而行三十五里至石磧
橋二十五里至烏江驛微雪寒甚四十里至和
州守吳尚誠郊迎夜微雨旋大雪十五日大風
寒甚行三十里徑淖騎多躓取小舟度三十里
至含山蒼翠四圍長堤煙柳佳致有餘時雪後
望見雞籠諸峰宛如白雲尹劉儼郊迎十六日

天雨行三十里飯清谿又三十里抵巢縣道中
即事有野寒春服換山雨客程稽老樹惟餘榦
荒田不辨蹊之句皆實際也令陳經言郊迎廬
倅張守約宴予卧牛山閣巢父洗耳地其外連
峰高陵可俯而窺如在衽席西南望見樵湖廣
數百里憑欄久之煙霏開歛頃刻變化十七日
過萬山嶺詠得句云空山難涉趣荒楚不知春
十里人煙少三家兔穴隣三十里至下閣鎮一
望黃茅又三十里至高井驛十八日逢姚侍御

西征集卷一
仕觀于東山舖四十里至西山驛三十里至店
埠鎮四十里至廬州令陸懋龍訪曾守如春招
飲十九日登鎮淮樓高百尺城內外萬家可一
盼盡西南大獨山如卧牛焉四十里至派河驛
五十里過舒王墳五里至陶城鎮天已暮燃燎
行十五里更餘抵三溝驛二十日行十里至舒
城令陳魁士郊迎入公舍者見先大夫書不媿屋
漏字甚愴悅出門度長橋橋下水通江淮兩岸
樹陰穠郁遠煙極浦雨中更覺有情過七里

遠山模糊松杉萬樹晻曖可悅三十五里過
心驛行兩山中蹊徑曲折有致泉聲百道淙淙
入耳十里至隣桐舖諸山蟬連中漚爲谿兩岸
迫束恠石對峙如人相拱十里過白河嶺連峯
隱見又過繼母山凡三十五里黃昏抵呂亭驛
是日兩雖繁而道多沙騎行亦便廿一日曉細
雨行十五里抵桐城令王應霖郊迎入公署見
先大夫題有佳節每逢愁裡過語爲之沈澗先
君以嘉靖辛卯仲冬于役駐此時值長至歷今

西行集卷一
五十餘稔手澤與亭依然而人世河山矣二十
里至石井舖平岡長陸廣沙漫流二十五里至
陶冲驛二十里過沙河河夾兩山中釣魚寺倚
馬大類武林孤山景二十里至長河嶺高岡一
道松楸成行約數十里其外諸山參差秀色襲
人二更至青口驛是日兩行偶得二絕其一云
春色半熹微連旬石燕飛爲憐山意好不甚怨
煙霏其二云春雨久無賴山雲尚似塵天西微
露隙徒御盡舒輦廿二日雨中涉沙河柳際堆

煙波光蕩漾又渡三梁皆諸山會流頃刻盈虛
卒徒還者值其驟漲人騎辟易數里乃知道途
之艱吾輩坐檐帷中嘲弄雲雨忘其苦辛孰非
帝寵靈耶行歷諸村竹陰連接墟煙藹藹可念
十五里至潛山令湯瑞家郊迎理官王夢暘召
飲是日風雨太橫輒坤冥冥寒色滿裘圍爐相
對旅思淒切廿三日度沙河兩崖叢竹有山石
五色望若彩鳳四十里至小池驛周遭皆山二
十里至劉家山向背有姿花卉的歷點綴翠微

二十里至太湖縣登龍山崖崖占湖中巋乎特起面矚城邑背俯長河左則蒼顏秀壁古樹錯植右則萬峯摩附雲煙相滋下有釣魚磯濶數丈瓊瓏浮水上坐久之波流有聲震撼動盪恠石森然周于四崖若扑若蹲若窺若倚適小艇南來亂流而渡令王大謨郊迎入邑大雨學博高舉謁高語多玄著言守中調息旁門上乘非金丹正傳有所守則有所不守無所守則無所不守次及禪理深言纓組爲累予曰無傷吾不

栖形影而可逍遙萬物則所往無非淨境夫物何病我如子論將捨有執無耶不知有雖妄捨之則非漚和無雖真執之則非般若高唯唯廿四日晨發平臯如席渡沙河山坡陁曼延修竹叢蔓連陰不斷二十里至楓香驛頽垣敗壁蝸角在牀道上古松若千百虬龍爭欲奮霄六十里至停前驛廿五日行約五里從者指示予五祖山遂乘間道往初陟嶺峻不可輿令人翼而步風雨橫擊從者披靡久之行長岡僅容足兩

西征集卷一
崖萬仞令人體慄條煙霧四起下視晦冥無見
但聞瀑聲若雷予謂同行者此何異履鰲背泛
溟渤又似混沌前堪輿未剖氣象行數里稍辨
色至寺門古木參漢蒼藤蔽日衲子十餘吹笙
導入後殿禮五祖真身僧出觀遺鉢前朝袈裟
飯畢折而西上度兩橋又數折登講經臺視下
茫然煙中微露招提折而東上一峰特峙萬石
如林虎負豹踞又折而上大風驟至草木震動
吹散山雲萬類畢見舉頭昂視天闔可叩坐憩

磐石見雲煙開闔諸山若移雨少止陟其椒豐
隆悍怒不能握盖踉蹌趨僧舍燃薪燥衣舍傍
白蓮峰峰畔白蓮池其花千葉芳馨邁常坐片
時天漸廓然無障諸山若垤予謂諸僧此何如
慶喜入五濁界須臾三變成淨土矣日晡下山
自停前至黃梅凡四十里申入署曾節推維倫
謁廿六日泇泇繁雨行三十里達雙城驛垣頽
棟傾不蔽風雨所歷墾田若藝橋梁不修人苦
病涉六十里至廣濟令胡學禮郊迎廿七日風

兩無賴山色模糊意趣僚慄六十里抵西河驛
渡河三十里至女兒街舖天漸開霽莽莽萬山
如簇墟落相接竹木蒙翳稻麥青熒時有會心
十里至六廟舖又十里天昏黑會候火至雜沓
如晝行三十里至蘄水令閻士選郊迎閻有幹
局幽結細綜一方稱良廿八日發蘄水華屋相
望地無寸穢四十里至巴水驛二十五里至巴
河鎮渡行二十里地廣原平絕無蹊畔芳草極
目勻舖如剪作一片綠茵南望隔江亂山葱籠

須臾東風盛作霧起成障群山遮盡若避遊子
沿江行二十里水天漠漠孤鳥飛沒小艇如鳧
鷺往來煙際冥色欲憂樊城微茫疑蛟宮矣抵
黃二守李維祐迎于門入署守鄒廸光訪因往
報謁同太守登竹樓步雪堂感王元之蘓長公
風流節操鄒守矜豪率狂見予則悄悄耳是夕
守邀飲赤壁夜分入城廿九日趙令具酒東坡
樓樓臨赤壁縱目萬頃山川莽蒼若憑虛焉樓
下大石橫絕江面自上觀之若虬龍下飲汎舟

西行集卷一
其下則若張屏立久之江流有聲斷岸千尺風景不殊往昔但未得呼明月倘佯如坡老耳毛寶放龜亭在山畔有石塔一座僧謂是唐宋以前建往時蘇子維舟于塔今塔去江數武矣酒徹趙令送予黃泥之坂臨水行五十里杜若青青幽意滿芳洲飯李浮沿江行三十里天漸冥又三十里抵陽邏驛估客瞑泊風燈陵亂令人有千里思三月朔日晨光朦朧渡江春寒野陰柳枝花蕊冉冉娟娟從輿中寓目殊自適六十

里至武昌登黃鶴樓憑欄極目楚天無際大江龍抱北望漢陽城郭樓臺歷歷可指龜山特起勢欲飲江鸚鵡洲在西北正芳草萋萋時候前三面萬家煙火諸王邸第危樓飛觀與江山分勝想庾殷崔李游時何如今日下謁 武當宮時正作廟道士迎馬首云適匠夢我冠者提使醒曰異人來起而物色鸞聲噦噦矣異哉入署方伯賈待問刺史馬文煒諸君訪初二日藩臬席黃鶴樓相邀初三日發武昌四十里過紙坊

行亂山中蛇行百折三十五里過龍泉鋪徑旁
萬松作濤聲與鼓吹相應行三十五里漏下至
山陂驛初四日陰雨寒甚六十里至咸寧過宋
馮文簡讀書臺屋弊不葺上兩旁風署令孫起
宗郊迎初五日天陰行四十五里至官塘驛諸
山雜沓草樹豐茂十五里至石子岡山石若累
三十里抵蒲圻城群峰擁翼如拱如挹馬鞍尤
高若負宸然諸溪與山相旋繞自然金城湯池
也郭內人家下瞰睥睨矣署令孫瀾郊迎初六

日晨發遙望芸臺如佛髻四面紅白若桃李叢
雲綴之可作香花供五十里至港口驛六十里
至長安驛積雨沮洳人騎屢陷號呼徹耳夜半
始停鞭初七日行六十里午至雲溪驛山皆屨
屨長松交陰黃花滿枝足綴幽心自驛西山始
陂陀竹樹隱軫六十里至岳州登岳陽樓望洞
庭曠濔靡際返照入湖金碧滉漾與波來往漁
舟隱見白鳥孤沒君山一點浮波面若靜女遡
流區膠二山傍城若風流子弟目眺欲往從之

而不可得意兵憲唐天祥守梅淳續至是夕守
開樽新月在天微風不起流金沉璧甚有幽致
惜吏卒囂雜未盡興初八日赴兵使燕往呂仙
亭洞賓度柳精處道士引觀練丹池雜灌莽不
可辨際昏復遊岳陽樓湖中煙霧四起君山漸
入虛無久之月色熹微天水相混漁火千百遠
近明滅初九日行四十里至馬家林四十里至
臨江驛地多沮洳兼葭離披三十里過墨山望
之童如四十里至華容漏下二鼓令陽企周郊

迎初十日行七十里至新堰五十里至安鄉道
中地卑窪野田汙萊人煙蕭瑟令徐期元郊迎
十一日所歷平野無塍畔菜花極望民居皆竹
埤蓬戶蓋每夏湖水漲成巨浸則窟山爲居冬
水涸復旋焉收僅一熟三十里渡麻河地益下
二十里至豐勝鄉始可田不爲澤又十里地始
隆隆起二十里至周家店十二日行七十里至
常德守鍾昌令洪有復謁申刻于陳中丞畫鷁
中小坐二更中丞來顧餉酒貲良厚龍宗武馬

鳴鸞李天植續至十三日中丞款予七里橋是日縣乏馬乃遊善德山初行睥睨下華屋鱗次帆檣雲集稍似姑蘇城外微風翼青雀江平如鏡已而風漸起波如綺文未幾風怒則若躍海馬愈怒則若奔雪山徒御惶懼予責刺舟者不力從吏荅云此軍舫也往廩厚士有餘貲募篙工以故嬉咲輕波瀾今官家但急賦安急士若等糊口不給寧能募人今春仲矣曾給往冬餉耶營中壯健者率棄去營市利老穉不能甲者

存耳吁嗟君門誠萬里乃請予陸行當山門渡江濶不數里而波濤震撼疑若無際登岸數十折經叢林中隆處為德山精舍有龕僧廬其上院宇虛玄竹樹蔭藹稍高為白塔亭唐周金剛禪師示寂時有願云塔高三寸當再世今已隆起二寸餘可恠再上有岡登眺則沅江掌握間西上為乾明寺亦咸通故刹佛像精巧若飛動製自唐工後為永碑亭列唐宋古碑繞殿後折而西行登孤峰頂前有練磨臺最高登之見百

西行集卷一
里外有天馬飛龍之狀僧謂此雲變態迴眸未
幾繚繞目前矣復折而東至慈氏閣修竹萬竿
大如椽翠色襲衣經山門栢大數圍狀甚恠他
古樹皆唐宋時植與新樹錯翠綠淺深鳥喧其
中可悅是山不塊竒高絕而以蹄股支撐沅江
之流逶迤蜿蜒以歸洞庭山得水如男獲女自
有情致以故稱福地僧滁陽人語予云往薦紳
至者皆坐息不調達磨云心息相依息調心靜
彼憧憧然坐不恬耳娑婆世界退緣易植宦路

尤濁于西土遠哉予曰菩薩行中常以百千三
昧供養塵沙諸佛豈擇淨穢僧合掌曰爾初獲
菩提彌勒全身已現矣瞑坐久之高舂始歸履
長堤垂楊夾道左江右河清暉娛人估舫畢集
因誦杜少陵漁人網集澄潭下賈客船隨返照
來正眼前景工部詩善鑪鐸無迹若估客晝眠
知浪靜舟人夜語覺潮生晝夜景異未免牽合
與守言守謂然是夜馬僉憲于大善寺招飲十
四日曉大雷雨龍兵使邀飲不赴遂西發楚江

煙雨雲樹朦朧漠漠歸帆冥冥去鳥不勝遠思
行十餘里忽疾風轟殷天地晝晦雨雹如石人
馬辟易疑欲席捲三楚徒役扶曳行二十里有
山半股斗入江若巨象下飲旁有廟入憇豐隆
霽威行十里飯鄒谿雨止四十里至桃源署令
羅邦慶郊迎十五日出桃源南門沿江行隔江
諸山逶迤環遶儼如百城煙靄彌望江中有洲
一帶遠舟來往若鳧鴈然行二十里得一逕左
傍江而右阻山山崖聳刺天江齧其足大石

水中時見雪濤瀆湧約四五里山忽斷不可逕
所謂白馬渡是也行數里飯桃川宮宮隱諸山
下即晉武陵漁者地踰半里許棹楔曰桃源仙
境入約數百武兩山相合疑無徑除逼之有線
路流泉嗚咽令人悽絕緣磴上多方竹千尺藤
蘿掩映繡壁橋跨兩山名曰遇仙從橋下度瀑
流壁間若珠簾又從傍攀携而上竒石雙峙其
下虛谷黝然深黑又折而登則洞門也石室不
可入流瀑若玉虬佇立久之求秦人而不可得

行三十里至鄭家驛近驛二里曰洞霞山從山背行大石高十餘尋橫倍之斜倚如欲墮有痕三疑劈巨靈斧者旁一峰狀若燈籠顛有廟欲往爲溪拒臨溪石長數丈平若几案可坐濯足其卧溪中如斷如齧如駝如象者靡筭西行三十里曰燕莊舖又二里許度小橋萬峰參差爭相貢輸泉淙淙不絕響又五里曰累崖巒山高千尺削成如屏翠蔓蒙絡嘉卉自植下有澗環之山益高澗益狹水聲益猛又三里曰長坂舖

又五里曰將軍山山雙峙如爭雄者橋界其中下有大澗度橋窈然深林白日如晦鳥聲與蛙鳴互相答應又二十五里至新店驛露涼鳥歸月出山靜頗娛遊子十六日孫大行愈賢訪予驛次行五里地名大石橋有石干雲狀類筆架從陸家山後行皆絕壁林木蔽虧旁徑杳然深幽又十五里至蘇黃三渡以東坡山谷渡得名其地一峯東峙初望之若鳳近睇之若馬泉聲縱橫出輜軒下如環珮其色碧玉旁恠石若倒

蓮者無筭有神劍石方如几沿溪行黃冠獻百
合曰使君來疑神護前此經旬水漲往來客不
得渡駐舍餽糧爲竭使轍來水忽斂避神也水
源猪洞山去此三十里有木枉溪往時栢梁五
柞之材藉此盍枉觀乎予曰簡書方巖非暇豫
時去之十里至寧鄉舖有獅子山十里至楊家
渡竹竿萬箇與波爭碧又五里兩石對立意欲
相傾甚類長安道上客又十五里爲官莊舖又
三里雙峰如筆行數武有大小巖屋口小者若

扇斜豎滴水若兩大者馬棚高數十尋又七里
至迴龍山兩山臨溪如雙龍對飲下爲界亭驛
驛以西山益陟絕行八里渡又四里上領水坡
人馬魚貫徐覩前旌若蝶舞又八里爲馬鞍坡
舉趾浸高十五里爲峰子溪竒樹森列峰巖秀
拔谿徑奧衍水流淙淙疑爲清都五里爲獅子
舖又五里爲獅子巖下爲黑水潭爲石所蔽日
月之光萬古不被又二十里爲楊寶山又里許
有龍口洞又里許爲神木溪溪橫一木久而神

顯迹江右江右廟祀之降箕云我楊寶山木也
又八里至馬廬驛十七日早過老鼠巖十里為
白霧舖石坡如人累又二十里為佛龕巖竒石
高十餘丈下有噴玉泉從巖中直下遠望若玉
筋迫視之為十丈珠簾又十里為觀音洞秀拔
摩霄深如堂朗然光明中有石成大士像餘若
蓮花左橫一石龍從其下入則用燎焉又十里
為峇子巖石尤恠上題字不可句土人傳云能
讀者則水湧金錢又十里至辰陽驛沅陵令熊

廷燦郊迎守計謙亨招飲郡齋十八日朝雨行
十五里為龍泉菴又二十三里為長冲洞隱路
傍中怪石若攢雲若蟠龍深無際約百里有河
四道每道有門門內有石田及樓觀蓋龍宮也
百里盡為深潭至此則雲龍怒奮風雷大作每
歲旱羽客齋旬日稽顙潭邊霖即時零不則迷
失路又十二里為楊溪灣又五里為毛坡山石
如筆架者十二高丈餘玲瓏巧妙丹紫閃爍竊
念置之吳下則墨卿題詠貴遊玩賞日且雜沓

而今為榛莽所蔽土人置不顧即圖志未載也
遭與不遭惟石亦然獨士哉五里為狗尾舖舒
溪經其前諸山相拱迴青拖翠桐花萬樹亦是
美景十里為船溪驛驛南二里從小徑入約三
里有偏崖洞絕壁干雲洞在山腰明爽平坦入
其內宛如明堂結構精巧又若燃犀水渚天吳
土伯竒態畢究海上神人琛贄並集時夜已深
黑陰雲密布大風四起或罔象相驚也遽策馬
歸驛十九日曉雨行十五里過虎坐崖又五里

至乾溪舖洞高十餘丈廣半之左右兩崖突出
若鳥張翼水從外流入瀆沸若雷深四十餘里
上有菴羽客棲焉二十里至辰溪公署隔江即
大酋山道書所稱二十六洞天穆天子藏書其
中濱江有石高四百餘尺壁立水際中折為隙
狹斜如建瓴上懸溜成石乳二擊之一作鐘鳴
一作鼓鳴與江流互荅乘輿造大酋洞初入十
餘丈甚亢爽漸入則豁舒深邃幽暗如夜秉燎
行半里許有隙引天光過此又窈然矣再進為

西行集卷一
三十一
藏書室深里許曠然平沙可居可卧出洞登九
封嶺宋道宗封禪天下名山九茲其一誌誤稱
九峰高數里登其上俯視諸山翠圍青繞遠近
開闔若宇宙內更無平地辰江若帶孤城千室
一秣耳側身西望白日薄黔中諸山間渺渺乎
皆數百里也二十日兩行三十里至山塘驛三
十里至中河舖山水環會樹陰交接十里至近
泉舖竒石峭立竹樹蔽燿三十里至懷化驛二
十一日風雨寒色如冬行四十里至盈口公館

四十里至羅舊驛四十里至沅州府倅郭凌雲
謁二十二日行五十里至便水驛時聞銅仁苗
警銅仁地界川湖其苗最悍嘉靖年調土兵十
餘萬興擊載轉相饗地險多箐王客勢殊往輒
耗費亡功諸土酋計圖唇齒陽討陰縱兵入則
匿還則復出督兵者簿責之急則殺被虜旌規
持其首上幕府索賞用事者非不知而欲以擅
功輒厚酬之不辨真贗于是督臣兵使賜幣進
秩而苗患益未央矣有龍木恰者性甚黠數為

西征集卷一
生苗導有司議令守職約制諸苗歲贍米糶魚
鹽有差木恰得漢物多因以財役屬諸寨視官
家外府也及老讓事于子龍俸楚蜀流民謀惡
往來伊父子間搆使隙日尋干戈爲寇灾不止
帥胡守仁不能制乃以計誘木恰賀歲杖斃之
于是諸苗憤怒糾川湖各巢狂犯守尉帥嘆惜
出師挫勢不得已以利啖其豪雖稍和解然愈
益無憚時起事者帥與偏裨叅議秦舜翰不知
也秦率易無城府數失禮于僚僚欲陷之因事

起急馳書佯賀曰木恰首惡君擒之不朽業報
至中丞氣滿大宅即日聞玉几将有蕃錫矣秦
遂引爲已謀卒以此敗而胡帥反遷美地時有
驛丞跪語云此中苗耽耽民鳥獸竄矣俸至倘
不戒丞萬死莫贖予笑曰苗亦人也不虞銅仁
悍耶攻之則不知越則否矣遂行四十里至晃
州二十三日行六十里至平溪衛思州守蔡懋
昭來謁二十四日行五十里至清浪衛九十里
至鎮遠山若拖紳中玄洞尤勝雖近市自有台

西征集卷一
二十七
蕩間意府衛界河而治帆檣如竹林焉自此以
西山巖水詘不通舫矣二十五日行十里過牛
角關鑿石通路峻險不減羊腸又十五里過相
見坡其地兩山對峙角險下爲洞洞神最靈歌
咲其傍雷電隨至行三十五里至偏橋三十里
宿月潭書院時已夜半泉流有聲疑爲風雨疏
軒視之星河森煜由樓後躡石磴折而上謂飛
雲巖去地百餘尺上突下歎巖下可坐數百人
石如虬奮如翬矯如霞攢勢飛動左有深洞巖

前三石峰如三指志稱錦崖珠壑非虛也二十
六日行十里至玉虹峽泉穿兩山瀆出十里至
興隆有山若鳳旁一峰如笏四十七里至雲溪
洞深廣空明內有二石龍吐水十三里至清平
二十七日五鼓大雨行三十里至楊老站亂石
滿山使初平鞭之當成萬羊道險巖甚過羊腸
坡又四十里至平越城內深竹浮煙可愛詹少
叅貞吉過訪招飲高貞閣上視諸山馬鬣封矣
仙人張三丰遺跡尚在二十八日過倒馬坡沙

狂溪毒旅感頓生六十里至新添二十九日行
六十里至龍里四月朔行五十里入省藩臬候
于新橋館省城九里郭內外二萬餘戶地陜薄
窮險不能轉轂其民多壯狡皆窳不勤生生徒
亦然每使者將校始閉戶旬日過此則復相聚
嬉戲市無尺帛饌無異品樹雖繁茂果實不甚
甘人家無蓋葢衣食之欲不能恣所好美天多
陰陰必旬日天氣暄則晴冷必雨雨常竟夜至
旦輒止春夏多震雷土人見旭日如見景星寒

暑不甚無裘葛亦能卒歲三司胥史千餘人川
湖居其九市氓雜江右流庸好辭巧說用計數
土人化之省以東多探凡客蓋諸土司剝削所
部驅爲盜徼循者又武弁無纖介愛利不能得
盜魁宿則指善家子椎啗者以自塞治兵使亦
欲以捕獲滿品見能諱言非是上下相蒙崔苻
滋熾初五日至外署左爲孔明葢甲巖廳事宏
敞後庭大竹數百竿如椽最後有閣諸峰羅列
如設紫步障焉初六日諸丈邀遊漁磯灣茂林

西行集卷一
深澗山徑委蛇往武侯祠登眺久之漢時旌旗
猶若在眼十四日劉中丞子元招飲東山閣閣
據兩山中頗勝神颺南來翩翩白雲鄉矣其最
上爲銅鼓峯登其上見萬壑吐雲各如博山鑪
煙漸上漸博則若諸天主往來金支翠葆倏忽
東西十六日行部夜宿貴州驛十七日申刻始
發行四十五里漏下一鼓抵威清周道如砥大
抵中土奇巖洞貴陽奇平壤至此心目坦易如
釋殷盤而誦周雅也十八日早行五里遊雲龍

洞寬爽如堂石乳倒懸右類張蓋左類捲蓋
四十五里次平壩十九日行十里觀喜客泉亭
臨沼上水沸成珠數千百顆咲語則旋鼓吹則
躍二十里至龍灣鋪三十里至普定入署奇石
壁立雖一丘一壑居然有江山千里勢鄭憲副
秉厚招飲圓通山寺次日招遊石蓮峰晦日六
衛生徒校畢約千餘人所取士罕超乘者蓋黔
中闕闡書缺簡脫以故相率保殘守寡語以古
學猥以不誦杜絕即史畧亦罕卒業余乃令經

西行集卷一
三十一
義優而史不悉者課雖最不廩文雖劣記誦博者免降黜行之年餘始萌芽矣五月三日遊龍泉洞洞左如龕可宴息右有泉湛然流出離洞半里許有天然井廣二丈深無際巖石四簇水自洞來又離半里爲龍泉菴四日曉發行二十里觀石佛寺六日還省九日復出行部六十里至龍場道皆峻坂木閣箐尤高懸索盤紆而上兕奔猿號僕御靡靡入謁陽明祠觀先生植栢及書何陋軒記十日西行亂山倚天石逕崔嵬

藜莽彌目四無人煙攀梯躡磴黃霧觸人過大小蜈蚣嶺蛇蜒百足疑將肆毒于旅客七十里至陸廣驛宮室卑痺如舍隸人十一日曉渡陸廣河兩巖削立瘴波洶洶排山而出亦逆旅佳景道多樹深暗山鬼啾啾行六十五里飯谷里驛居民雜繒裹頭見使者至以爲從堯率宮來矣三十五里至水西驛宿地頗沃饒十二日行四十里至奢香驛井幹臨溪士女姣好依然旬服午後過孛羅箐叢樾鬱紆幽篁滿道五十餘

西行集卷一
里至金雞驛十三日行十餘里過英雄巖石壁
矗起數千尺最高處突起一石如鳥斯革其下
有大石熊踞焉山下原隰底績西南羣峰如萬
屏羅列四十里至閣鴉驛午渡落遮河河隱諸
崖下石峰百丈三面立水自隙出騰踴成吹又
行一舍過象鼻嶺兩山相對溪深百丈立其垂
怵然有恟目之志其誰能爲伯昏無人申末至
歸化驛自龍場至此皆安氏地竊念漢時威行
方外此地稍通爲滇蜀道奉使者遭夷拒命至

射鳥獸代殮吾輩逢清世騶輿呵擁旌旗相
蠻夷君長稽首厥角然勲能不半漢使敢鄙夷
哉十四日行三十里抵畢節衛畢節介居夷府
中荒城蕭瑟東南二關外商販所集華屋鱗次
氣候和無大寒暑男女好聚會歌舞有鄭衛風
午刻入署群峯遶案幽致宜人胡僉憲宥招飲
公署十六日校烏撒生童烏撒去此四程地寒
不宜稻多風雹府治與衛共城時祿榮烏慮相
爭二酋皆烏蒙部先是烏蒙知府祿堂率祿墨

嗣職夷俗聽命于婦丈夫拱手而已祿墨妻曰
世谷有殊色多計數專府事喇哈土官阿著卒
妻曰阿壞東川知府排來姪女也髮長九尺光
可鑑亦專制喇哈事所部地有銀鑛畜綵繒金
寶數萬祿榮利其物以貨遺侍者得幸世谷與
阿壞爲姨姒知有銀鑛甘心焉佯親厚阿壞身
往尋盟陰勒兵襲之祿榮貌美雖見幸阿壞然
念烏蒙地大欲治其室意不忘世谷也以無間
故莫得通會世谷如喇哈祿榮盛飾逆于境世

谷從輿中望見之曰天下有此好男子乎我來
豈爲銀鑛哉視之尤惟恐弗能當至喇哈遂不
言銀鑛事亟還府祿榮往送世谷載以歸納諸
密室恣爲淫樂憎其夫祿墨遣往烏撒陰令人
刺之祿墨計窮從者謂曰亡愈于死先諸走水
西世谷以金寶遺水西取殺之投其尸于河祿
榮使人卜曰世谷命應傷夫不吉榮曰娶也何
害先夫當之矣遂遷有府治弟烏慮不能平數
相爭祿榮遣人刺之不得烏慮奔喇哈亦通阿

西征集卷一
三十三
壞祿榮愈憾盡取烏慮所統地世谷既殺夫而妻祿榮乃誑蜀監司言祿堂死無子榮實親姪應嗣監司使人覆其事世谷重賂使者遂獲襲烏撒府素與烏蒙有惡烏慮既獲戾于兄乃逃依烏撒又因阿壞以請于東川于是二府合兵數萬共攻祿榮殺掠無筭祿榮使人謂曰若與我同氣何暴若是烏慮曰汝戕宗子於人何有人亦於汝何有祿榮不能支逃匿川中烏慮欲入烏蒙諸酋長不肯下曰世谷我主也雖淹恤

在外我事主何貳之有烏慮乃還祿榮逃蜀中蜀中撫臣遣使將兵送還府諸酋長不納曰世谷吾主其柰祿榮何去祿榮則可烏慮復糾諸府兵拒命損傷夷漢萬餘人事聞于朝下有司勘二酋負其疆不能致至明年予攝兵使事語兩臺曰此非有司所能辦也二酋安國亨母祿氏姪夷狄畏服大種其天性以姑處姪庶不疑畏乃督祿氏以萬衆徃二酋恐見擒請兵謁從官難之余令各以五百人從二酋曰官府果

不擒我矣入謁于庭予曰土夷仇殺固其常但
祿榮不應首難烏慮以兵復則畫無俚耳夫以
官治爾二人死無赦吾姑以夷治令兄歸地于
弟弟讓官于兄被殘者償以金何若二酋俯首
聽約諭以禍福理道則抱頭哭曰爲人誤幾傷
骨肉軟血盟焉予又念二酋子不相當今暫解
後復爭取長枝子祿承爵嗣祿榮事遂定十七
日發遣烏撒士十八日校畢節士十九日早冒
雨同胡僉憲出郭遊雙忠廟廟後有臺北向居

兩山口神漢爭下距躍客前二十日曉發胡僉
憲錢郭外行六十里次層臺驛驛居山上山頂
正方回面峭絕墟煙出垠堦中宛如羽人居焉
二十一日行七十里次阿永驛白石巖壁立
箐林幽窈板屋架雲人間世中淨土乎二十二
日行四十餘里午至赤水署城懸石磴萬山突
兀雲氣滿堂赤虺河滔滔走蜀江不知亦爲羈
人牽情向金閭否是日校本處諸童百餘人夜
聞水聲若奔萬馬二十三日校赤水諸生二十

四日曉度雪山嶺嶽峯入漢五十里至摩泥驛
二十五日過流水巖石壁矗起下有穴水從外
入若諸山尾間然右有小洞噫氣內出唱和成
韻行五十餘里抵普市城南群山勢如奔龍三
石人立高丈餘土人謂之牂牁石二十六日過
貓兒關一帶山如蟠蛇鬪象又過滴水崖石成
蓮花雖支那地恍惚祇園矣稍前石如千笏午
後至永寧山水清妙頓忘五濁塵沙永寧唐蘭
州水陸要衝民北賈蜀南賈滇邊徼中稱富其

宣撫司則蜀其衛則黔地踔遠民彫捍少慮自
龍場至此幾千里吏皆鵠冠禁網踈濶獄訟不
均豪俠恣意女官奢世續等郊迎奢世續者宣
撫奢效忠妾也先是宣撫司世以女奢效忠獨
不可效忠死妻世統無出世續生二子妻妾不
相能分夫所部世統居落紅世續居水腦世續
以賄賄有司得嗣職世統負其嫡意不下訟于
朝下川貴質其事帥郭成引兵千餘屯世續宅
受其賂萬計夜統夷漢進至落紅世統驚走避

成縱諸卒大掠得金數十萬世統忿糾水西兵
萬餘襲我師郭疾行得免傷官兵百人申刻入
公署環署皆山疊翠如屏生童五百餘人校二
日畢二十九日視學過飛鴻橋馬參戎招飲定
水寺寺藏經甚備叅戎曰印心者不以文字何
事喋喋筭沙爲予曰如來密因豈易究要以筌
蹄衆生耳悟之拈草是藥執之入屑成塵存乎
人哉寺前有據勝橋盡山水勝夜次普市六月
朔日發越七日抵署又歷四日至興隆過月潭

寺飛瀑爭下若銀河落九天也二鼓至偏橋以
半月畢校士役晦日回署校省中士五日竣八
月署臬司兼攝三兵使俛首朱墨間左律右牒
牯山水思矣居無何又兼藩司則朝而覈餉晝
而治囚夕而視戎夜而閱課拘迫齷齪中乾外
強清曠之懷一時幾盡省僚有詹貞吉者致獨
幽遐常邀予唐山聖泉間稍與間雲盟焉唐山
有洞如堂聖泉涓涓山下忽滿忽除有類潮汐
詹又訪武侯迹得龍船石焉突兀溪中高廣數

丈張筵幕其上宛似操青雀于峽中而滯石尤也居數月周大叅舜岳至始釋藩司事周以質勝雖不磊砢亦自膚立又數日憲使彭富至諸道事成釋矣予既得間日與鄭憲副飲署閣十二峯突兀于前雲氣俠之明滅縱橫蕩搖變幻巨者天龍細者漚鳥結者海蜃墮者溪鳶汎乎張乎如使者之乘槎帝子之建羽旗而大木千章與噫氣相觸則又調調刁刁或唱或和或徐或疾或叱或吸或揚或抑笙竽不能模而師消

不能寫焉耳目間竒而暢生平未有也鄭曰佳哉吾何知遐裔予曰然人在適耳吾適焉吾且木天藜閣視之也神爲象束而叢穢未滌玉署且囚拘乎在昔士大夫雅意本朝者一旦隨牒焉無遐討冥搜之心而多牢騷聞寂之感將目崢嶸爲險惡指駘蕩爲憐悽兩辱之怪風辱之盲煙霞辱之瘴癘抵視民而蠻視官長瘼然無適矣至欲以簿領表異者則又竭捶鉤之專力以自毀袞雖或去境宿禁猶縈於幃帷焉彼目

非我有而巖澗又何能爲目有是皆不適其適者也吾從政則政吾適舍政則山川吾適以心應而不以心稽則臨聽中有真韻而探搜中有真討矣追憶往日自燕而齊魯而吳楚而黔中皆神臯也皆靈奧也皆木天藜閣也吾安知遐裔鄭君曰善子盍記諸予曰吾而今且止觀且還空前所歷皆色相也何記哉鄭君曰子過矣夫空不能不色則色不足滯空止不能不觀則觀不足碍止盍記焉以導後遊者遂從其請

先生此紀叙事酷類左史而命詞馳騁莊駉諸名家不及也王長公擊節嘆賞以爲如化工肖物余謂王長公恐亦無是精詣然是紀猶有意爲文至黔西于役紀不經意而工矣巖棲稿則神而化矣柰何先生方事性命學且醢雞視夫文也吾以爲窺性命則文且益高先生寧廢文哉

尤獻策跋

黔西于役記

萬曆癸未孟夏丁卯馮子將歷黔西宿郭外驛

中時望後一日也往歲行部亦撰此辰以遣力
入長安脩牘報謝輦上諸君子越宿始發今歲
蠲春行復卜是日就駕會有滯案止宿焉追惟
前事慨然興仄期感戊辰大雨午前發浮雲幕
天涼颺如秋憑軒四睇原野蕭條行數十里飯
黑頭哨亂山參差類群蠻相抵無可娛意朱官
堡以西水田漠漠竹樹如雲稍洗愁辛申末次
龍塲沉陰厚結白日西匿猿啼蛙鳴愴怳旅懷
若負讒譏已已曉發龍塲過大蜈蚣嶺以西萬

山回薄際天地勢缺北鳥道百折午渡陸廣河
河在千崖底深四十餘尋蕩瀟洶洶大石如墻
削立其垂過此為青岡林樹木蓊雜蜩聲滿道
山皆崑崙高出者若鵠冠武士其餘若奔卒無
復伍次永日登頓征車或輕或軒惟青岡舖里
許地澶漫稍類中原更餘次谷里天無片雲素
月垂練黔中山景殊少庚午曉發谷里民居朴
陋宛似遊周家沮漆時午飯水西其地有馬明
王舊城前中丞欲置衛土酋不利議遂格晚次

奢香驛自谷里至此道甚平行穉秀禾穗離離
芄芄問之土人云一畝數鐘大抵黔中膏腴多
歸土司而官家所有及皆瘠壤至驛正舖時驛
周遭皆民居方二里許四面皆山儼如城奇石
隆起者又似樓櫓一谿環流清澈瑩人心目溪
中白石齒齒故是佳境辛未早過字羅箬香窠
靡陽午前飯烏棲舖午後至金雞驛山宛似雞
形行十餘里過松樹山其山石巒起如臺高數
千餘尺軼雲絕雨五松偃蹇其上自漢以來至

今不改柯從下遊目僅五簪耳竊意此壁嶮峻
非足力階蓋天植也有類絕俗士振衣千仞視
秦時大夫卑卑矣山麓大石數百皆高數丈餘
色如積鐵土人謂之飛來石其西千巖崩奔遠
近隱見争相輔佐足稱雄觀北一山如伏獅紅
英翠篠彌臯被岡冉冉娟娟天黑抵閣鴉驛壬
申曉發岡巒糾紛旌旆透蛇宛在圖中渡落遮
河山高澗深泉清石白疑非人世午飯歸化驛
安宣慰母祿氏于道傍伏謁獻牛酒祿氏年可

五十餘有權術善制諸夷其服類黃冠法衣曳地五尺行動有三女摳其衣土知府祿榮烏慮二子年七八歲亦拜謁車前餘羅夷男女數千踉蹌竭蹙爭窺繡斧以手加額予慰遣之咸稽首去申抵畢節衛四野頗有華實之毛原隰龍鱗泉流灌注從南關入百屢翼翼雖非神臯于夷方中卓犖矣甲戌乙亥校士詹少叅貞吉入賀萬壽過此丙子校童生是日發案先是畢節生素不誦習試日懷挾為奸余乃嚴干揀入

試案相去五尺盡屏諸役于是姦無所容累試高第者咸殿丁丑楊倅資元至語予曰下官道九驛實後使車幸邀福于使君不有困踣也往予計偕曾經焉毒霧蔽天悲風動地虺若輪蓬若壺土伯九約駸駸逐予矣而茲來也雲陰解駁天地開除豺狼狐狸屏迹非藉使君福何以然予曰仗皇稜與君幸無恙耳其何福時有偏禪施武臣好大言率爾曰惜哉是千里如繡者而胡為乎為酋有也以使君之靈令某佐下

風傳鄭甘陳無難者不旬日吾郡邑是地矣今束予手令人憤懣昔數裂耳予曰談何容易有元封好大主則可不然寧遽能衣裳介鱗乎戊寅閏武巳卯考覈諸軍吏是日閱城因遊靈峰寺寺居山最高處昔有樵者忽見烟霞繚繞樓閣叅差久之始滅後嘗數月一見仙迹焉予佇立久之求異人而不可得但聞泉鳴鏘然若助予嘆息行數里至賈家洞瀕洞玲瓏怪石攢列雲披虹亘鵬搏鳥翻螭蟠獠攫竒變百出中有

自然佛座又數里登北鎮關樓樓跨兩山中憑軒決眚數百里峰巒若在几席莫能遯隱天下之山萃于黔中連綿無際獨民隋不善樹令濯濯耳五月朔壬午曉發畢節烟雨濛濛諸山乍出乍沒行四十餘里皆蹊田塍蓐食時度黃坡嶺倒馬坎予往年經此馬足凌競茲除道如從枕席上過焉是日次層臺驛癸未曉發雨如散絲山雲相混天地冥冥滿目蕭然時從高岡下望諸箐翻如碧海行二十餘里過孫家舖群峰

西行集卷一
四三
攢蹙中裂一澗崖石迫束巖瀑滾滾如雪浪銀
濤噴薄迅駛與后相鬪聲喧駭耳鼓吹亦奪
午飯阿落密舖行十餘里過黃泥坡下有一丘
方半畝四垂怪石疑相搏攫又數里至彌陀寺
諸山環遶中一崖斗出如人張臂寺踞其上下
有深溪竹樹岑鬱可念是日次阿永驛城里許
負青龍山林莽蒨一峯曰白崖石峭拔高數
十尋上為潮音寺從旁徑四折而登山如月城
下為深谷既上招提望諸山嶂如布陣旁有小

樓一峯屏踣于前古木干霄晴晝亦晦可稱幽
絕時有偏帥某者怕首袴鞬翼輿而行指示形
勢謂予曰四夷府牙錯我地而萃貨以自豐也
黔得之富可倍吳楚使君能推轂我焉必有樹
夫今專閫者某夫耶是故劉帥豎一犢所鬻耳
竊帥橐中金營得位大冠若箕日沾沾兩臺前
寧當哉即令我北面其誰甘是言雖誕然于籟
廬無聊中聞之亦足使人解頤甲申曉行零曠
四塞咫尺莫辨如從島中行際午始霽諸峰雲

氣相滋若軍屯萬竈烟火百里渡赤虺河入赤水公署巔崖崛崒波濤洶湧亦佐人雄傑意乙酉校士丙戌閱武丁亥閱城近午始發從雪山關度高二十餘里縹緲險絕霜霰夏含下視諸峯盤紆糾紛凌撼坤軸時雨後殘雲傍馬長風吹衣令人兩腋習習過陶家山厓類崇墉箐密烟深晦暝如夜猿哀黃桑鼠拱亂穴虎豹熊羆陸梁前後慘然意出塞又歷數十盤有風崖石如張翼或若懸幔其下為風坑深疑無底是日所經雖突兀越人攀陟艱險然竒峰高壁舒人心神不厭也晚次摩泥驛戊子出摩泥五里過倒流水巖石削成下有洞泉滢滢從外入靡所底或投羽試之翼日流永寧橋下蓋去此幾百里其西有風洞高二尺許夏出涼風冬出薰風可怪午飯石闕峭四垂皆大箐猿鳥亂啼出哨遙見普市山徑如線縷逶迤曲折二十餘里間百相背百相朝也下睇山腰晴雲白衣蒼狗變幻不一申次普市城南諸山角竒競怪秀林山

尤雄類魁岸蠻夷卒難降服傍城三石高丈五
儼似三楯郎署中杉樹高三十餘丈者七酉刻
大雨黃霧四塞夜夢坐申相師曲室拂塵清談
相師食子石首魚出至廳事遇十餘書生皆雪
膚玉色揖余而語上古獨攜李高生跽居頃之
登餘皇舍弟之舫並風迅水急舍弟溺焉余號
而救之乃寤已丑曉晴望諸山龜顧駝伏烟雲
開闔可念過石子坡山勢四隕竒石若累度猫
兒關厓斷如臼下有陶君洞可伏數千人離關

為歸樂哨山徑平漫忽疑長安道上旁細石宛
紫宸前品山不勝戀主意又數里過回回坡
一帶陟似攀霞下若墮井行久之一片白雲忽
起馬首如曳大旆其遠抱前山腰者若一帶銀
城湏臾布滿山谷玄黃欲混頃刻蓬濤霧散疑
混儀始剖午飯樂安舖道傍有田塍水灑灑循
人鳴偏帥入謁行幕復理前說曰使君能借齒
牙從臾予于大司馬虎竹可分也吾將盡剗諸
異類俾無復育種子曰子姑因循舊貫終更而

還亦足以復鴈門躋何至自炫鬻為且吾與若
行數日不厭山乎使宇內盡黔中則魚龍何宮
使宇內盡吳下則猿獠何宅使宇內盡平壤則
狐兔何穴而蛇虺何居萬類并容乃為天地惟
帝王亦然百蠻能盡徐哉帥茫然若失未刻越
滴水崖山始舒若決吾訾而朗者歷蜂子巖兩
山屏立相向過此為鐵石坎其旁高峰遏雲附
峰皆美石或直起或斜墮竒樹產其隙斐疊青
葱兩山中為溪平者柔綠急者沸白溪與山相

為曲折溪得山而益怒山得溪而益幽溪聲若
松篁若風濤若萬馬行若市人喧石為困為笏
為掌野花雜樹的歷歲蕤冥蒙昭廓非復一狀
最稱勝入魚浮關關踞河上每春時則魚浮于
此故名日小遷抵藺州城千甍萬瓦鱗次耦比
可當雄郡予問給事吏茲地何以盛往日吏曰
往諸夷酋日尋干戈殃及民令他窟茲劉中丞
至夷畏懷咸縮甲民復邦族故溱溱耳暑齋如
畫舫紗窓繡幕明奧相適庭宇潔淨若拭有老

桂二竹異卉數本其間可哦馬叅戎呈文招飲
優人演子母別者因念老親淚下不能收夜雷
雨庚寅曉坐齋前聽階下瀑流與雨聲相答草
樹若沐旅思稍釋辛卯壬辰校士癸巳校童生
是日行殿最午閱武過飛虹橋橋雄壯橫江車
馬度若排空時大雨其下波濤迅急有驛騶駮
驥過都越塊千里一瞬之勢少頃過據勝橋與
飛虹相望皆長數十丈土人謂上下橋駐馬望
兩江飛瀑如雙龍爭入天門定水寺介其中疑

鞭龍神人左顧右盼吳叅知哲來訪叅知才
士以黨人見斥然其壯心不已多作伏櫪嘆乙
未遊永洪菴菴在印山中去城十五里而遙乃
高僧月溪所構僧江安人以罪戍赤水役于陳
百戶所棲馬房夜有燈光照數里陳異而遣之
遇禪師為示三乘既得心覺選地以廬因廬焉
是為宣德二年越二載 章皇帝召天下名僧
十三人詣闕月溪亦與別弟子語曰此招提中
徒衆慎無踰四十踰則殃抵京將召入 上令

中使密置經檻下覆以錦諸僧履而入月溪伏不前上召之急對曰非敢以方外自高懼藉經為罪非上所以召臣意上異焉翻經入之賜以茶不飲而南灑問何故曰留都火焚四十八戶用禳之上未信後十餘日守臣報火作如其語上遣詣遂示寂留都後有擅越廣其居成福地予前至此馬叅戎邀往勿果茲有太守羅某者贊其勝請以牘之間往余乃行出西門行二十里林麓蒼黝谿澗鏤錯久之踰高

嶺數百步蛇行上復魚貫而下為深谷如是者三四舉首望雲霧中有若含蕊蓮直起而摩霄者昇人指曰印山也菴隱其下又數折則諸山若人相抱中為磨刀溪大石橫其中為石佛口水從兩傍流大如轟雷細如鳴絃北有峭壁隆起瀑泉掛巖為珠簾三重焉復數折而上是謂山徑兩傍皆榎楠橡樟間以松柏蒼鱗駁翠夭矯偃蹇上不見際時正陰雨烟樹相含裊翠色鬱葱映人面孔如在青油幕下委蛇盤曲陰陰

西華集卷一
四九
相接莫知所詣古之隱者入山惟恐不深入林
惟恐不密茲其隱所哉久之始抵寺門石階三
層各數十級入門其宮翼翼石柱合抱飾以金
龍禮佛畢泛旁室飯焉復出門折而東上經叢
竹中約里許為龍君祠旁有泉水常溢復折而
上山峻疑不可武徐僂而登肩背相輔下視諸
山千壘與雲相浮沉景甚竒寺中緇衣四十人
予問此山深盍衆爾徒曰師語後每自外來者
過五人則有一斃過三人則有一病過一二人

則有怪日舖回署丙申馬叅戎邀遊紅崖山山
高幾三十里其廣百里峙于城之東從齋頭望
之為錦屏為丹壁焉或雲冒其頂則若玉女上
層霄微露霓裳數日間獻狀几席不一若覲余
遊者時予欲發未決策往會叅戎留余甚懇余
未忍逆其意曰吾為賢地主以及山靈可乎乃
出東門易軟輿即上山巖雖所歷漸高而道斥
僅如從堤上行也時小雨濛濛陰雲微暈或望
見城內雉堞樓臺意海中蜃氣所成心甚適行

久之見道旁石高如屋而形成廩者絡繹迎人予謂此亦小異未為大奇居頃之有二石愈益大若導旌旗而前問之昇人不能名彼未解意以一拳石視耳官人則心知其稍奇矣將近崖廔十八盤昇人足前趾恒半蹈又數失而顧予身則懸空令人心駭體慄戒從者下步冀小安昇人謂無害乃已入天門徑稍平旁有佛氏廬又里許為龍潭大石立道傍高三丈延袤十倍焉色類端溪硯光則若人磨瑩者其形為扇斜豎蔽虧潭水使不受天日影其不能盡隱者則齋亭泓澄可數顧髮道東有三石視龍潭石加高廣則少遜或若拱或若俯或若揖北為紅崖數千仞直起造天類引繩削者色若琥珀上有玉皇宮宮焉從其旁七八折而上道忽窮則從絕壁鑿為級可容半武兩旁皆深壑無際如此者四五丈餘上者攀鐵鎖先嘗一足于級上後更置一足身橫行耳若屬垣過此則得平徑黃冠吹笙而引約三百餘步皆循高壁行剛颺翼

西征集卷一
人宛然從緱氏山頭騎鶴入丹霞也復入一門
為展旗峰石矗起類建牙上望之際天 玉皇
宮倚其前宮前為捫星臺登其上疑去天不盈
尺下望則若乘障塞遠視千里西南天盡在掌
握爽然自失芝宮西門焉匾曰 玄天宮入宮
門得徑四十餘步濶數尺舉頭視壁萬丈摩空
下臨杳靄數千仞近門石如馬棚可避雨中為
瀑布巖泉若玉龍倒垂洙洙旁射詫謂大奇馬
叅戎亦吻中作咄咄聲謂此景不下太和徑盡

為 祖師殿予與叅戎禮畢道士引殿後觀龍
井復出憑軒下視無有端倪叅戎股慄予曰介
而談兵者亦然耶曰一時不能若梁武捨身殿
西皆高壁韜霞限日可百里不能徑遂出從臺
上飯少憇叅戎觴予予謂此棲真所不敢以酒
肉垢迤邐而下張幕設筵焉飲畢陳小隊而行
叅戎謂余泉石間呵道是山猶蒙垢哉余曰吾
隊草木而陣煙雲奚其垢從輿中前望西南一
帶天碧淨如浣萬峰皆帶日色彩鳳羣飛江水

亦挾日為金龍迴頭顧紅崖則密雲蒙翳金支
翠旗彷彿有無中因誦王摩詰陰晴衆壑殊之
句心賞其妙入城叅戎復改席城樓邀予坐數
刻叅戎語山之勝曰吾帥于茲以 朝廷之靈
日夕兀然坐猶隱吏也顧律移者二而茲山無
聞焉土人不能辭俗山亦不遭哉予咲曰寧獨
山水丁酉與吳叅知飲楊氏園亭園在城北隔
江頗有致是日治囚抵暮始枉叅知語予養生
訣予謂叅知君既釋纓組何不棲廖廓宇而猶
塵居叅知曰取丹于塵世養丹于山中丹未成
不入山也予戲曰丹成寧有期令山靈長待其
移文責君哉二鼓還舟月從東上湍得之為飛
金東北有白雲在山腰如帶玉從青翰中誦蘇
子山高月小水落石出句覺神思閑王戊戌李
叅知文績至自蜀稍聞燕中一二事是日發蘭
州茲地于黔中稱庶人士膚清者多神令者寡
吳叅知餞于魚浮閣余歷此者再備得其勢蓋
茲城衿領諸部咽喉滇蜀是宜郡不宜屬夷司

屬夷司即有緩急不用命今縱未得改設宜益
叅戎甲士或有請移鎮叅戎者彼何知要害前
人設立有深慮詎可因噎廢食行十五里小憩
鐵石巖下巖長四十步嵌空結曲若老樹根有
木生其隙相與爭竒古夜次晉市巳亥午飯摩
尾申過雪山關立馬最高處見諸山若波濤天
益加闢西北忽飛五色霞與碧落翠微相媚南
望陶家箒一帶黑雲壓山山勢欲摧予心念一
馬首前光景互異此何殊世間物態夜次赤水

庚子次阿永辛丑飯層臺得輦下信夜次畢節
壬寅行三十里過清水塘有石狀龍口吐泉成
塘清可鑑毛髮魚常依石隙遊人捕之則從口
逝莫測所潛共行百里至周泥自倒馬坎以北
抵永寧三百餘里中道為屯地兩旁高嶺外乃
屬奢氏自坎以南山外則安氏地皆與官地隔
惟畢節以南則夷夏相錯而膏土反為夷有軍
民頗患苦之恨昔日經制之畧也癸卯行十五
里至七星關兩嶽夾峙中隔一江激水千尋從

西北流東南實惟天險後人鑿石為磴架以飛閣始通滇蜀其高處為諸葛臺乃孔明禡牙地由臺數十折而下翠屏斜抱古木奇石相錯飛瀑激湍戛擊嶮巖中者前後相接響盡石逕下為橋山合泉鳴恍疑玄圃過橋上南崖有石如柱舊為石柱朝陽亦八景中之一也又行數十里涉野馬川水及馬腹蓋值涸時耳若漲必資揖又數里為雲崖寺其山削壁臨溪屹然鳥外中為洞奇石斜亘如飛雲如翔鳶寺居洞口旁

小洞僧因房焉此巖甚奇不知何故以蘭若障其前是人可恨當墮惡道若移寺隔岸則山水盡作佛供惜土人未解茲趣離寺百弓有石峯矗起千仞類阿閣插入雲漢午飯黑張道傍屯田半為夷占諸夷惟烏撒捍每戍卒治田將熟則以騎馳蹂稼穡卒不敢往耕夷遂藉為產往有卒沈廷祿者聚衆卒與相質夷酋刺以矛身膏野草訟于官三年不得理夷以故益恣橫卒不能支亡者什七八夜過天生橋路險昆蹄屢

西行集卷一
三
蹶此為產金區二更次瓦甸是日凡行一百四
十里風花閃日倏晴倏雨征蓋屢換甲辰曉行
山皆頽靡亂石室路涼風堀堞令人慘怛申至
烏撒關外稍成聚落城內如窮村其地甚寒夏
常挾纊人食苦麥甿種時以火蒸土他穀不產
氣毒淫患癩者十二三徃置衛時戍卒五千餘
今存者什一詰其故以軍吏魚肉竄入夷中是
日行八十里乙巳閱城允閱城茫下乃盡其勢
若登埤不能半四衛城永寧最堅次畢節次赤

水惟茲城僅如短墻城外茂草高踰睥睨內墮
若埵可武而登野望諸山四斥北郊極目蒿萊
西南沮洳霖則成澤土人稱海子以澤國視之
牛涔耳丙午行三十里飯來鶴亭四松偃蹇對
植皆三四抱過此為蘆條山上下各七里頂平
十里遠望諸山翠色如染爭巒睨睫申飯普德
驛氣候始和山煙林藹披望幽玄甚適人前為
可渡橋水流潺湲旁壁陡立有層樓危磔狀俗
謂掛榜崖由小徑行三里為桃花溪瀑布泉皆

以竒售是處山逕逶迤蒼松百千萬行錯以怪石憤起迎人宛然五陵風景二更抵倘塘驛共行一百二十里松色不斷丁未曉行山始舒放樹亦蕭疎五十里至來賓舖地益平遠山隱隱若奔若避目境少竒而脅則盪矣三十里至雷益州試諸童戊申行八十里次炎方驛皆平道已酉從驛東南行長林殘岫平沙淺水足供使者午飯羅木屯夜次平夷衛凡行百里道雖多山卑卑為黔中諸嶺兒孫耳庚戌入黔境馬案象鼻諸怪狀又總總嚙嚙如揖使君而前午飯亦資孔驛申刻度雲南坡高二十餘里兩崖皆絕壑陡削忽濃雲鬱興震雷烈風竝發山鳴谷動四野晦冥人騎披靡相失旌蓋席卷道路幾絕而征軒乃嶮岼孤峯頂上昇夫足蹒跚強支皆惴惴不能出氣余亦肅然而恐念以危身借快目賴天幸不墮崖底耳夜次普安州六月朔辛亥謁文廟茲地山川頗秀以故人才為黔中甲獨水無滋飲之令人減餐壬子校士癸丑

校諸童蔣中丞宗魯邵叅知元哲舉人葉聯芳
等謁李叅知選罷官還滇過訪甲寅同李叅知
遊碧雲洞初鄭兵使數言是洞幽深竒絕震旦
內罕見往歲于役以棘闡事薄不暇探茲值李
叅知至李同年也宜款命州治具守樊芝請燕
于洞許焉初出東關迤邐南行芳郊平楚遠山
古寺離列如圖眉睫間覺少暢折而西行多甲
第又折而西從兩山間行則小橋曲徑深樹幽
溪彷彿武陵約二里許而高壁駛駭山路欲窮

則為洞門矣離洞數武有石嶄然刻人境仙源
四字數尺許大初入前洞方廣各數十丈高殺
其半石乳厯亂懸垂拱向繡雲碧蓮萬片相攢
外有翠屏當門危立若樹塞然左有水洞吞納
萬壑其不盡容者則從洞門旁入分為兩道飛
流澎湃溶溶落落夏潦既盡則清瀾綠波金沙
淋漓游鱗浮鯀水盈虛不常然未嘗涸每從左
流惟辰戌丑未年或從右流流右則利應舉左
則否水盛漲則人才輩出故老常以茲當卜折

而東進腫朧熹微假曜松膏其狀下濶上銳有
類圓殿行數十武忽陽靈迸射容光必照石壁
崢嶸頂方而平約高百餘丈矯首仰視次濼爨
朗恍疑身在閻闔通天間也北為天牕從旁洞
啟亦可攀躡而出天窗之裡三峯崛峙皆數十
丈東壁則有石龍連蜷上入天門鱗甲飛動垂
珠燦然石龍之下懸水之濱晶石為田畝畝勻
均高低連絡溝塍困輪芝草琅玕羅列繽紛石
龍之傍緇衣負杖黃冠相苾煉丹遺竈紫泥舊

封丹器畢具烟霞豐融南則大士危坐諸仙如
麻釋迦高卧彌勒趺跏胡奴特立舞袖娑娑西
則虎豹踞關獅象列門玉清高會萬神畢集歷
天之旗捎星之旃沈溶廓落鱗羅布列靈竒恍
惚變現出沒夔魍獮狂蒙茸陸梁令人魂悸魄
動其餘魚鳥衣菓之屬不可勝狀皆石液所凝
結即般僂施其剖刷能萬一哉前太宰夏公邦
謨督學此中書天下竒觀蹟猶在飲罷觀玉陽
巖有三元閣倚焉先是茲山多虎患蔣中丞夢

高冠者三人坐巖下指曰亟廟焉可禳質明伐材治宮虎患遂息凡黔中山深處有廟祀天神則能杜虎不復至乙卯中丞設席于洞丙辰雨中發過軟橋河山如聚米河水瀆沸黃濁從吏絡繹進檳榔曰請使君服焉以禦瘴或以酒獻予辭不飲曰使君寶不貲軀盍少飲聞其言為動念行百里次新興驛城內外四百家無一人弦誦者離驛五里為觀音洞廣二丈餘高數倍石乳作蒼螭翠虬狀亦頗奇丁巳過江西坡

下有橋瘴氣甚盛色帶青黃行者咸伏地百里內無飛鳥申次安南城在山頂地甚高而炎濕人易嬰疾公署甚小內齋頗潔植白蓮紅榴紫薇海棠結栢數本暫適耳目第轉令人憶江南離城五里石屏峽峽造天飛瀑若江濤三里為湧泉寺佛像甚精僧云日者無泉自師卓錫後始溢故名是夜淡雲新月明星參差徘徊帷戶若逢嘉瑞更餘就枕大雨如注從者輒患嘔泄呻吟相接或私相語曰從使君來葦鋪餒耳如

病何起視其面皆有淚漬痕乃知客遊之惡戊
午校士文皆如夢申藝語下午大雷雨茲地罕
霽即霽霧猶四封水濁而苦菓多酸澁寒暖無
常裘葛遞進清夜起坐惘然思歸憶初郎縉雲
每患滯淫欲自免大司馬梁公聞之語予子毋
然吾留若以子才其優游都城而取卿相可也
予心感念非至言會黔學使之兵曹諸僚泛吏
僕往或以語吏部惟鄉人沈虞部少卿雅相善
止予曰毋信彼言吾聞是處土風難依道險何

以身試子且安坐毋慕虛名貽後悔予曰往可
量移耶曰子落穆遠去天涯誰為子作陳子公
予曰丈夫立功名何地不可叱御者何人虞部
復咲曰子顯蒙信若夜郎王不知漢廣大吾緘
吾口矣子異日憶吾言別後居省土風猶可耐
了不念前言自周泥至此十餘日日憶吾少卿
語耳已未曉發十里為哈馬嶂諸山相攢如天
閑良驥交首玉樞二十里至盤江河河通滇蜀
嶺南兩岸叢莽蒙幕幽陰翳空氣騰為瘴色類

虹蜺從地直起抵半空隨風飄揚亦有濃淡濃者若山峯人觸之物故淡者觸之煩眩吐泄烏觸則墮馬伏波語不妄起立夏霜降乃已忌初雨初晴予過時適久雨不甚江廣數十丈水流洶湧聲砰湃嶒岵若征鼓兩復怒來下擊波與相應耳目所遇甚奇以畏瘴惟恐不速渡又四十里抵查城是日山路甚險馬足鑿落深草成林人烟絕少惟附驛地數畝稍平石屏離列為可念耳庚申曉行沉霾苦霧黯然不開五里為

象鼻嶺又十里為安籠箐山岡如帶兩傍盡深林蒼蔚彌望杉檟皆可材熊羆鹿豕充仞其中又十里群峰如羊角者數十百五里為關索嶺廟祀焉雙峰夾廟插天秀色下坡四十三盤馬十步一蹶昇夫喘汗進寸退尺遙想長安群貴金羈玉馱蹀躞沙堤何知宇內有此景象若以語彼見謂流沙弱水妄稱耳半嶺有閣窓前石砌小池如泮所謂馬跑泉也湛然碧玉世傳關將軍馬所跑疑亦附會下嶺有長澗橋焉過此

為雞公背山如鬪雞二十里至牒水巖水從巖直瀉二十餘丈濶如之遠望為素幕為珠簾為水晶宮近睇之則如數千玉虬爭吐鬚鬣欲搏人其聲即秦軍闕與之戰鼓譟勒兵武安瓦屋盡振想當爾也下為龍潭深無際巖下有三洞為瀑布所蔽土人常見犀牛龍文蓋水怪也景甚竒第其傍瘴起彩虹蛇蜒氣似蒸黍遂掩口行共二十里至白水驛又二十里至安莊山始小抑道傍有田氣候亦和天色倏晴新月娟娟

欲墮不墮殊有情致辛酉州守董學孔請觀此雲洞洞去城二里而遙在大道傍折而進約數武峭壁干霄行四十餘步有自然石門高數十百丈又行四十餘步則為第二重石門儼似都城內外郭傍有水灘隱石下深莫測右為巖突兀飛出大士像供焉又數十步始為洞有左右門相去數尋左門傍為池水清澈從橋入右門竒石倒懸為蒼龍垂首狀洞內廣數十丈寬平如堂頂甚圓石如獅如象者倚壁間疑若避人

舊名太極洞又名雙明然稱紫雲為雅此洞竒
中有正不類碧雲一于竒也守置席溪邊予坐
少頃憶吾鄉劍池第劍池竒不能此十二守屏
息侍諸武臣甲而兩行列令人游意不暢遂去
從北關外行衢市頗寬整民人殷軫似一雄郡
道中四十餘里盡平原禾黍芄芄山雖絡繹不
斷而盡遠闢其高僅同息壤涼風爽氣襲人衣
裾與昨所歷判焉河漢申抵普定衛街市整肅
廣袤即名都不過時侍御傅公以請告駐此往

歲夏間曾夢陪侍御來過普定覺而自念我非
守巡道胡陪哉冬間侍御西巡益謂夢無據乃
今方應人生行止有數何況功名六衛轄鄭兵
使以賀 萬壽行入居其署宛然夢境廳事前
雙桂高二丈水鶴數十巢其上松杉數株相
繫後齋兩重若畫舫最後有臺累石鑿池花竹
周遭颼颼交響愴然孤清林居無異壬戌凌晨
修謁侍御癸亥會省人來知少婦王氏疾初余
出門少婦牽予袂曰是天涯也而又相別丈夫

固不戀蛾眉柰閨中草蟲念何及疾數促予歸
以侍御在不能行為不怡者累日楊都聞招飲
龍泉洞乘月回署龍泉竒不能侔碧雲二洞可
伯仲省下唐山耳甲子夢遊浙中天姥諸山又
夢至一城面面竒峰烟霞繚繞一人語予此昭
丘臺君何至此入城適主者姓高白哲踈眉有
客儂亦高姓堂前墨君琤琤有聲齋內植建蘭
三本芳馨逼人案頭銀管筆二圖史左右列坐
久之主人忽曰客尚帶元規塵毋污我因寤乙

丑侍御來辭丙寅送侍御至安莊此地多虫善
嗜嘍通夕不安寢丁卯侍御招飲日近舖雲南
王憲副橋至留款王善飲浮白無筭語予云吾
從湘潭來有去國思今離浮湘更數千里沉沉
如天外那得不飲且吾將夜行恐魍魅迹我故
藉酒焉以親我形神勿謂我狂抵暮別去夜大
雨偶夢曉雲依然梨花戊辰還普定雲收夕霏
清暉滿署思州府推官王制以內召過辭是日
得兒大章書兼呈課似亦適上巳已校安莊士

帥守機使人致姪大受尺牘受姪我家慈明春
間冀其必第竟蹶南宮今覩簿蹄知負恙非戰
藝不力稍散人懷庚午校平壩士是日立秋夜
涼風騷屑搖曳殘焰蜻蛚鴉鷓相弔寒漏益人
旅愴辛未曉夢二紫龍飛上九闔目光如炬兩
角相向幾滿碧落是日校普定士大雨壬申校
安莊童生都勻守梁柵以滿考來謁甲戌曉發
是地多涼颺能蕩暄濁恨不共故鄉諸名流為
作河朔飲出城十里丘陵連離卉木交錯竒石

為芝為困有竹箐長數里密不見際秀色堪養
柰驅馳風塵便未能入其中如張薦避客耳二
十里為石佛寺巘嶸連疊青翠深沉六十里至
平壩城中屋多茨棘殊遼索獨公署內鋪錦列
繡庭宇清曠對玩自喜乙亥次威清荒楚蕭森
百籟吟嘯路稍崎嶇離城七里為的澄橋其下
素流碧波惜無青雀是日遇同年尹戶部廷俊
于途勞苦平生潛然雙淚浮雲為結薄暮曲靖
守王任重謁丙子入省山路盤桓泉溜冷冷頽

西行集卷一
響赴曲亦頗娛人至公署同列相勞謂余清虛
日來容顏頓減迴顧一行人亦皆形穢不似兩
省諸後妍冶始知旅遊之艱無論視金華玉署
如天上即憲府中亦烟客矣尼父有言匪兇匪
虎率彼曠野孔轍不越中原猶嗟岐路况蠻荒
鳥道嵐瘴颺疾險阻摧折于達生遠哉其孰能
愜是役也歷四十程凡三千四百里為日七旬
爽霽不能十一其幽異以日習故不能盡憶為
忘大都耳季夏二十有七日中夜不寐因燒燭

書于飛翠閣

書于飛翠閣



